

www.BibleForChildren.org

Genesis 3



Aria Adam uqa aideg eu uqa dana
cajaca cunug agena anaga calen.
Eunu uqa ijan Iw qon.



Aria man sononec uqa fanindocnu
du cuhadon. Uqa dool cunug
wooladec Tibud Anut maden.
Odocob uqa caja sisildon, "Anut ale
cehelo aig cunug cabina nijia eu cain
jowasin ec maalen eu melefo?" don.



Odocob caja uqa
man sononec jejeg
hewi madon, "Cehelo
aig osooso cabina
nijeiga eu ele jecnu ihocqa
na gemo taweia eunu Anut
uqa ale eundec aig eu cain
jowasin o cain qududu
fowasin. Eu odifesi ale
cal mowasan ec malen,"
don.



Odocob man
sononec caja madon,
"Qeeo! Ale qee cal
mowasin! Ale aig eu
jifesi alena cisdoc fogo
docob ceteteh meca me
qeecanu dowasan. Ale
Anut cinigwe calowasan.
Eu Anut uqa dona. Eunu
uqa odi maalen," don.



Eunu caja uqa aig eu feceb galeca
bahic ameg qon. Eu jecnu me bahic
fen. Uqa doc meca me qeeca ognu
ha gale don. Eunu uqa cehelo eundec
aig umei jen. Odimei gemug uqaca
tawesin euha
uteceb jen.



Odocob ale amala fogo don.
Odocob ale bical eu dosin.
Eunu ale dan bagac gisimesi
taqesin.






Euqa Tibud Anut dana utadu madon, "Hina ai?" don. Odocob uqa jejeg hewi madon, "Ija hina cabina cocobogan hutain dugaqa ija bical. Eunu ija cucuiimig jahuniga," don. Odocob Anut uqa sisildon, "Hina bical ec eu indec maheia? Hina cehelo aig ale cain jowasin ec mahem eundec u jagafu?" don.



Odocob dana jejeg hewi madon, "Caja ijaca
bilewannu item eu uqa cehelo eundec aig
iteceb ija jiga," don. Odocob Tibud Anut
caja sisildon, "Eu celnu odoga?" don.
Odocob caja jejeg hewi madon,
"Man sononec qauteceb
ija jiga," don.





Eunu Tibud Anut uqa dana caja Iden
cabinadec ititacalen. Maha dana
muden euna sab cehigiannu
eunadec malen. Ititacali
hedocob cali lesin.




Odimei Iden cabi cam tobi becna isec
uqa han qali dana gagadic, ijan Kerub,
ono maden. Odimei sigin aig ja
belicanca eu hagen cunugna isec
walwaldudu tawena euna muden.
Eu cebac bilec
catanec uqana
jic cahacdoc.



Aria Adam uqa aideg Iwca nijimesi uqa melca men.
Odimei Ken basen. Odocob uqa maden, "Tibud
cesulteceb ija mel momodo oso ehudiga," en. Eunu uqa
ijan Ken qon. Odocob uqa hibna Ken
waliag Ebel basen. Odocob Ebel uqa
ben mimei dool cofadec dana calen
qa Ken uqa ben
mimei cabi
ceteteh cehec
dana calen.




Aria saen osona Ken uqa cabinadec sab leih cedi
ahumei Tibud ihandon. Ebel uqaha Tibud ihandon
qa uqa sipsip nag leih hahawan basadec
eundec aqi tuqadime i cuhunuga lalonoga
eu cedadi ahon. Odocob Tibud uqa
Ebelnuca uqana ihanecnuca waug
nijen.



Qa Kennuca uqana ihanecnuca Tibud uqa waug qee
nijel. Eunu Ken uqa gemag geh bahic ben. Odocob ola
gulu qon.



Aria Ken waliag Ebel madon, "Gec beli bahu cobewa,"
don. Odocob belesin. Cocobi bilesi Ken uqa cajimei
waliag Ebel qagadocob cal men.




Aria Tibud uqa Ken sisildon, "Hina walin Ebel ai?" don. Odocob uqa jejeg hewi madon, "Ija qee dugina. Ija wali cofdoc danafo?" don. Odocob Ken uqa Tibud amegnu bisacdumei caji nuen. Odimeu uqa Iden cam tobi becna isec nuimeu hatu ono bilen. Hatu eu ijan "Loldudu Coboc".



Odocob Adam haun aidegca nijimesi uqa mel oso basen. Odimei uqa maden, "Ken uqa Ebel qagadocob cal men. Eunu Anut uqa mel oso haun itia. Eu Ebel hehuldocnu itia," en. Eunu ijan Set qon.



Aria Set cali hocob Adam uqa bileceb li uqana cabi gel 800 eu odi calen. Oodon Adam aideg uqa melahul ategulca haun basaden. Eunu Adam uqana cabi gel cunug gabandoc eu 930. Odocob uqa cal men.




Aria Tibud uqa dana cajaca mahanadec agena
qisol mec eu ben bahic fen. Agena
cisdoc me qeeca golanaga me
qeenu sililecca odi nijen.



Odocob Tibud uqa maden, "Ija dana sihul
cunug ifanadem eu qee madigen. Mahana
doolca man fululecca ceteteh cunug
mahana cobogina eu qee madigen.
Ija ifanademnu waloc tena," en.



Qa Tibud uqa Noana odoc fime i Noanu waug
tawen. Noa uqa melahul ijedca. Age ijanaga
eu Semca Hamca Jafetca.





Rom 3:23 Ge, ege dana cunug ege silail mom eunu ege Anutna fulacdoc ben eu ocwe qee.

Rom 6:23 Ge, silail kobol eu uqana ameg eu cal mec himec. Euqa Anut uqana eelgec uum igec eu cebac bilec catanec. Ege egena Tibud, Jisas Kraisca gabandumeb cebac bilocomun cataneqan.

Hibru 9:27 Dana cajaca cunug age cal mi osoldogina. Odimeig hibna age Anut amegna tawecebil uqa gesiladigian.

Efesas 2:8,9 Ge, Anut uqa uqana eelgec uum igecna age wawaga meleeceb cahahaaden. Odocob eu agena odocna qee, eu Anutna bagol igec himec. Eu dana agena odocna qee, eunu dana oso uqa culai madi, Anut uqa ijana odocnu cahahaten, odi cain madeiaun.



Jon 3:14-17 "Anut uqa Melah mahana dana agena silailnu
gesiladigiannu suldocob qee nel qa mahana dana
cahahaadeceb demico biluqagannu suldocob nen. Odocob
Anut uqa dana cunug mahana bilegina nalunuga mimei
cunug age uqanu wawaga meleigian eu age qee fadalowain
qa age cebac bilec catanec eu oqagannu uqa melah osol
himec culiaden. Eunu Moses uqa wadauna man sononec
ihicon qoc suli u caqusenwe dana cunug age uqanu wawaga
meleena eundec age cebac bilec catanec eu oqagannu
Dana Melah age odi suli u caqusuqagan," don.



1 Jon 5:11-13 Odocob Anutna qasali madec je eu odi.
Anut uqa ege cebac bilec catanec igen, odocob cebac
bilec catanec eu uqa Melahna bilia. Dana uqa Melahca
gabandoc bilina eu uqa cebac bilec catanec eu wele on.
Odocob dana uqa Melahca gabandoc qee bilina eu uqa
cebac bilec catanec eu qee ol. Ija age Anut Melah ijannu
wawaga meleena eu age cebac bilec catanec wele oin ec
doqagannu je i jaqiadigina.



Genesis 3 - 6

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Amele Bible (aey) © 1997, Wycliffe Bible Translators,
Inc. All rights reserved.

<https://www.bible.com/bible/978/MAT.1>

©2023 Bible for Children, Inc.

www.M1914.org

www.bibleforchildren.org

